

RICHO, WACH MABER, KOD CHIK






“Wiya ok bi wil gi
bucheni, ni mar gin ema
iseritogo ngimana. Resa
ni mar an mari; nikech
asiko amanyo chickeni
ndalo duto”

(Zaburi 119:93, 94, Loko Manyien)

Kata wayie kata wadagi, richo en chandruok ma mulowa wan duto, ma ketho winjruok marwa gi Nyasaye: “Ji duto oseketho, kendo girem kuom duong’ mar Nyasaye” (Rumi 3:23).

Ere kaka wanyalo loso pogruok ma richo kelo e kindwa gi Nyasaye? Jomoko osegolo paro ariyo ma nyalo konyo e tieko chandruokno: Chik kende (warruok kuom tim, paro marach kuom kaka Chik tiyo); kata Injili kende (warruok kuom yie, wito Chik oko).

Ka owinji tiendgi maber, Chik kod Injili ok gin wasigu; to, gin duto gikonyore e kedowa kod richo. Moro ka moro nigiti tije.



👉 Weri gi tem
👉 Gik manyalo konyowa were gi richo

RICHO



📖 Chik kod Richo

CHIK



✝ Injili kod Chik
✝ Oger ewi Lwanda

INJILI



III RICHIO



WERI GI TEM



"To ng'ato ka ng'ato gombone owuon ema temo kendo yondho." (Jakobo 1:14)

Jakobo luongo ng'at manano ka iteme ni en "jahawi" (Jakobo 1:12). To onyiso maler ni tem ok wuog kuom Nyasaye (Jakobo 1:13), to owuok kuom gombowa wawegi ma ok kare (Jakobo 1:14).

Paulo wuoyo kuom "jatem" (1 Thes. 3:5), ma Yesu noyango kaka Satan (Mathayo 4:3, 10). En jalno mong'eyo maber kaka onego oti gi yom yom wa mondo oterwa e richo. Kik wiwa wil ni wan e chuny lweny mar piny mangima e kind Kristo kod Satan, kendo ni jatem biro duto ma nyalore mondo ogolwa kuom Kristo.

Samson en ranyisi maler mar ng'at ma weyo gombo mare tere e tem, kata obedo ni ong'eyo ni gigo ne dhi e ataro gi dwaro mar Nyasaye (Jong'ad Bura 14:1-3; 16:1, 4).

Ere kaka inyalo geng'o tem? Kuom dwaro Nyasaye (Math. 6:33); kawo thuolo mar bedo gi Nyasaye kendi (Mariko 14:38); ting'o okumba mar yie (Efes. 6:16).



GIK MANYALO KONYOWA WERE GI RICHO

"Kata ka wang'i ema miyo itimo richo, to gole oko, nimar ber donjo e Piny Ruoth Nyasaye, ka in gi wang' achiel, moloyo witi e mach mak rum ka in gi wengeni duto." (Mariko 9:47)

Yesu noweyonwa chike maler mar weruok gi richo:



We timo gik manyalo teri e richo (Mariko 9:43; Ayub 23:12). Kuom ranyisi, ng'iewo kong'o (Mark 9:43; Ayub 23:12).

We dhi kuonde ma inyalo time richo (Mariko 9:45; Ayub 23:11). Kuom ranyisi, dhi e klab mar otieno.

We neno gigo manyalo miyo itim richo (Mariko 9:47; Ayub 31:1). Kuom ranyisi, neno sinema ma niggi gik ma ok owinjore.



E yo machuok, tim duto ma inyalo mondo iweri gi richo kod tem mar timo richo. Lem kuom wachno.

- 1 Kik igen kuom nyaloni iwuon (1 Kor. 10:12)
- 2 We nyiso ng'ato ang'ata kaka iber! Bed mamuol kaka Yesu ne muol (Mt. 6:2)
- 3 Tim duto ma inyalo mondo igol oko gombo mar terruok e chunyi (Math. 5:28-29)
- 4 We siko mana ni ikwedo ji kendo ing'adonigi bura (1 Kor. 4:5)
- 5 We chayo wasiki, to lemnegi (Math. 5:44)
- 6 We kecho gi jowadu (Math. 5:22)




CHIK



CHIK KOD RICHO

"Ng'at matimo richo ketho chik, nikech richo en ketho chik."
(1 Johana 3:4)





Tudruok mantie e kind Chik kod richo oseloki e yo marach gi jomoko ma paro ni kuom mako Chik ginyalo chulo richogi (Gal. 5:4). Paro ma kamano osemyo jomoko odhi komachielo ma opogore ahinya, ma en ni Chik osegol oko

Chandruok osebedo kuom paro ni Chik niggi tudruok gi warruok, kaka yo makelo kata geng'o yudo warruok. To tich mar Chik pok nobedo mar resruok nyaka chop sani. Kare, tije en ang'o?


Chik nyisowa richo (1 Johana 3:4). Ka da Chik onge, to ok da wang'eyo gima richo en (Rumi 7:7) kendo, kuom mano, ne ok wanyal manyo yo mar tieke (Galatia 3:24).

Mabor gi bedo osigo mapek, Chik en chiel ma geng'onwa lit mager mag richo (1 Johana 5:3; Zaburi 1:1-3).





INJILI



INJILI KOD CHIK

"Wasenwang'o malong'o ni Nyasaye miyo ng'ato bedo e winjruok kode mana nikech yie, to ok nikech rito Chik kata matin." (Rumi 3:28)

Warruokwa (ng'wono kuom richo kod ngima mochuere) yudore kokalo kuom tich ma Yesu notimonwa e msalaba (Gal. 3:13). Mano miyo wabedo gi gombo mar hero Yesu (1 Johana 4:9, 19). Kendo wanyiso herano adier kuom mako chikene (Johana 14:15).

We wanon winjruok mantie e kind Chik kod Injili (mano en, warruok kokalo kuom remb Yesu):



Chik nyiso
gima richo en

Ka watimo
richo, to
ing'adonwa
bura mar tho
ma nyaka
chieng'

Chik ok nyal
pwodho
richo

Yesu ne otho
tho ma nyaka
chieng'
mondo ochul
richowa

Ka wayie
misango mar
Yesu,
richowa
iweyonwa

Ka
oseng'won-
nwa, waluwo
Chik mondo
kik watim
richo kendo
(1 Joh. 2:1)

Yesu ne ok opar kata matin mar golo Chik, to ne oketo paro mar keto chikno obed motegno (Mat 5:17). Chik kod Injiliduto gin ranyisi mar kido mar Nyasaye owuon: hera.

OGER EWI LWANDA

"Mano emomiyo ng'at mowinjo wechenagi, mi orito, chalo gi ng'at mariek mane ogero ode ewi lwanda." (Mathayo 7:24)



Yie Injili oriwo luwo yo ma kama. Gima okwongo ma nyaka watim en ng'eyo. Nyaka wang'e ni nitie Ng'at manyalo resowa (Rumi 10:14).

To ng'eyo kende ok bi resowa. Yesu noporo jogo ma yudo rieko mar warruok to ok giketo chike mag wach maber e tim gi ng'at mane ogedo ewi kuoyo "mi oruombore piny matek!" (Math. 7:26-27).



Ng'eyo nyaka dhi kanyakla gi gik ma ng'ato timo (Math. 7:24-25). Oketwa kare ok nikech tije mag Chik (Rumi 3:28), to en gima dwarore ni timgi onen e ngimawa kaka ranyisi mar warruokwa (Math. 7:18-21).

Ka wayie Yesu kendo dak e winjruok machiegni kode, ka warito chikene, to wagedo e wi Lwanda.



“Chik nyiso dhano richone, to ok ochiw thieth. Kata obedo ni osingo ngima ne jogo ma winjo wach, onyiso ni tho e pok mar ng’at ma oketho chik. Injili mar Kristo kende ema nyalo golo ng’ato kuom kum kata dwanyruok mar richo. Nyaka onyis loko chunye kuom Nyasaye, ma chikne osekeho; kendo yie kuom Kristo, ma en misango mare mar ng’wono. Omiyo, oyudo “weyo richo mosekalo” kendo odoko ng’at ma yudo kido mar Nyasaye.”

EGW (The Great Controversy, p. 467)